



Inatsisartuni ilaasortaq,
Laura Taunaajik, Siumut
-/MAANI

§ 37 naapertorlugu apeqquteqaammut nr.047, aalisarnermut piniarner-mullu allagartanut tunngasumut akissut.

06. 02.2017

Suliap normua: 2017-1956
Allakkat nr 4416734

Postboks 269
3900 Nuuk

Oqarasuaat (+299) 34 50 00
Fax: (+299) 34 63 55
E-mail: apnn@nanoq.gl
www.naalakkersuisut.gl

Apeqqut:

1. Aalisarnermut piniarnermullu allagartanik akisussaaffik Kommunenut uterteqqinnejnarneranut qanoq pitsangortoqarnissaa innuttaasut naatsorsutigissavaat?

Akissut: Innuttaasut piumasaqaatinik naammassinnissimagunik erngerlutik piniarnermut aalisarsinnaanermullu akuersissutitut allagartassaminnik piffimmi orniguffimminniit tunineqartalernissartik naatsorsutigissavaat. Kiisalu piniar-sinnaanermut allagartanut tunngatillugu pineqartoq Nem-id atorlugu nammineq allagartassaminik anillatsitsisinnaavoq, sullissivik.gl aqqutigalugu.

2. Sumiiffimmi aalisarnermut piniarnermut siunnersortip suliassaanut malittarisassaqareerpa? Qanolu suleriusissaa ingerlasussaava? Kommunit immikkut tamarmik allatut periusissiaqassappat?

Akissut: Sullisisussat kommunit toqqagaat assigiimmik atuartinneqarput, sullissinissamullu atugassat malittarissat tunniunneqarlutik, tamakkulu periussat atugassap webservice-p aamma iluaneereerput. Taamaalilluni kommunimi sorlermiikkaluaraanni periuseq ataaseq assigiillu atorneqassaaq.

3. Piniartut aalsartullu ukiup ingerlanerani allatigut isertitaqarsimappata, allagartamik qinnuteqaataasa akuersissutigineqarnissaat qanoq pitsangoriaateqarpa, qanolu ajorseriaateqarpa?

Akissut: Erseqqissarneqassaaq suliassamik uuminnga tunniussineq ajorseriaam-mik kinguneqassanngimmat. Ullumikkutut inatsisini piumasaqaataasut malil-lugit webservice suliarineqarpoq, tassalu akissarsianut tunngasut Akileraartar-

nermut Aqutsisoqarfimmut aaneqartarput, taakkulu nalunaarutaat malillugu naatsorsuisoqartarluni. Piumasaqaatinilli naammassinnissimannngitsut immikkut qinnuteqaatinngortinneqassapput, tamannalu erngerluni Aalisarnermut Piniarnermullu Naalakkersuisoqarfimmut ingerlatinneqassaaq, tassani suliareqqitas-sanngorlugu.

4. Assersuutigalugu qinnuteqartoq qatserisartuuusimaguni ukiumut 7000 kr. missaani isertitaqarsimaguni aalisartuunermut piniartuunermullu qinnute-qaruni, qinnuteqaataa imaaliallaannaq akuersissutigineqarsinnaanngilaq. Tamanna akuersinnginnissamut tunngavilersuutigissallugu pissusissa-misoorpa?

Akissut: Ullumikkut inatsimmi piumasaqaatit malillugit, piniarnermiit isertitanit isertitat allat 50 procentinik amerlaneruppata tamanna itigartitsinermik kinguneqassaaq, isertitat qanoq amerlatigneri apeqquataatinnagu. Tamannalu itigartitsineq isertitanit peqquteqarpat, peqqutissaqartitsippallu periarfissaqartuaan-nassaaq immikkut qinnuteqarsinnaanermik atuisinnaanissamik.

Inussiarnersumik inuullaqqusillunga

Hans Enoksen

Piniarnermut Aalisarnermullu Naalakkersuisoq